

Te whai hua - kia ora!



Te Aratohu Kaiako

Te Kōwae NCEA mō te
Taumata Tuarua

NGĀ KAUPAPA A SORTED

Te Rītaia, te Haumi, te Penapena, te KiwiSaver, te Nama,
Te Whakahaere i Aku Moni, ngā Whāinga, te Inihua

TAUMATA

2

WHIWHINGA

3

TE PAEREWA PAETAE

91263

Te Aratohu Pouako - Te Kōwae NCEA mō te Taumata Tuarua

Ko tā tēnei aratohu pouako, he tiro whānui ki te kōwae a Te Whai Hua - Kia Ora! mō te Paerewa Paetae kei te Taumata Tuarua, mō te Waihanga Uiui Pāngarau.

Ka whai wāhi ngā ākonga i tēnei kōwae ki te whakawhanake i ō rātou pūkenga me ō rātou mōhiotanga āheinga ahumoni, i a rātou e whai ana i ngā whiwhinga NCEA mō te pāngarau me te mātai ūhanga.

Ngā painga o te whakamahi i ngā āheinga ahumoni hei horopaki ako mō te pāngarau me te tauanga

He tino horopaki te āheinga ahumoni hei whakapakari i ngā pūkenga me ngā mōhiotanga ki te reo matatini me te tātai, ki te whakawhanake i ngā pūkenga matua, me te tūhura i ngā uaratanga. Mā te tautoko i ngā ākonga kia tū māia ai rātou, kia noho haepapa ai rātou, kia whakahaere māia ai hoki rātou i ā rātou moni, ka tautokona:

- te ekenga o te whāinga o Te Marautanga ā-Motu kia tū ai ngā taiohi “hei ākonga māia, hei ākonga whai hononga, hei ākonga kaha ki te whai wāhi atu ki ngā kaupapa, hei ākonga mutunga kore”
- te anga ihu puta o Te Marautanga o Aotearoa, inarā, ka āhei ngā ākonga “ki te āwhina, ki te whai wāhi pai atu ki te hapori”, ā, “kia angitu, kia maiea hoki ō rātou oranga.”

“Kua miramiratia te āheinga ahumoni i Te Marautanga o Aotearoa hei tauira mō ngā momo kaupapa ka taea e ngā kura te whakamahi e angitu ai ngā whakaakoranga tuinga-marau me ngā hōtaka ako.”

Te pae tukutuku Āheinga Ahumoni a TKI



He tiro whānui ki ngā rauemi ako

Ka taea ēnei rauemi ako te whakamahi hei whakaakoranga mā te pouako, hei mahi tautauāmoa, hei mahi takohe hoki rānei mā te ākonga. Kua whakaritea ia puka hei whakamahi mā te ipurangi, hei tā rānei māu. Ki te whakamahia te ipurangi, ka taea e ngā ākonga te patopato ngā whakautu ki te puka whakaharatau.

Ngā rauemi a te pouako:

- Ko tēnei **aratohu pouako** e whakaupoko ana i te kōwae, tae atu ki ngā hononga ki te marau me te aromataawai, me ngā kōrero e pā ana ki ngā horopaki me ngā āheinga ahumoni ka tūhuratia i te kōwae.
- Ko te **roanga o te anga ako** e whakamārama ana i te pūtake o te kōwae kei ngā Taumata Tuatahi me te Tuarua, ētahi rauemi pea, he tiro whānui ki ngā horopaki ako me ētahi huarahi pea mō te hoahoa hōtaka.
- He **puka whakautu** hei hoa haere mō te puka whakaharatau a te ākonga mō te kōwae. Māu tonu e tohu mēnā ka tukuna tēnei, kāore rānei e tukuna, ki ngā ākonga.

Ngā rauemi a te ākonga:

Kei te kōwae:

- Tētahi **aratohu ākonga** e whakamōhio ana i ngā herenga o te paerewa ka aromatawaihia ki ngā ākonga, i ngā horopaki ka tūhuratia e rātou, me ngā momo āheinga ahumoni kua kuhuna ki te rauemi

- Tētahi **puka ākonga** e āwhina ana i ngā ākonga ki te whakawhanake i ū rātou mōhiotanga ki te kaupapa, ki ngā tukanga, ki ngā pūkenga me ngā whakaaro me mātua whai e rātou e puta ai ū rātou ihu. Ka nanao atu te puka ākonga ki ngā tauira tūturu e hāngai ana ki ngā kaupapa āheinga ahumoni a Te Whai Hua - Kia Ora!, ā, e kaha ana tana aro ki Aotearoa nei. Kei roto hoki ētahi kupu āwhina mō ngā āhuatanga ka puta pea i te aromataawai.
- Tētahi **rārangi kupu** o ngā kupu matua.
- Tētahi **puka whakaharatau** e whakarite ana i ētahi āheinga mō ngā ākonga ki te whakatinana, ki te whakaū hoki i ū rātou akoranga.

Ngā rauemi aromatawai:

Ngā rauemi aromatawai a NZQA kua whakaūngia tōna kounga, tae atu ki:

- tētahi **rauemī aromatawai**
- tētahi **tohu kounga o te aromatawai**
- tētahi **rārangi māka**.

Te aromatawai i te paerewa paetae

Kei te kōwae tētahi ngohe aromatawai e taea nei te whakamahi hei arotake ūrite i ngā kokenga a ngā ākonga, e ai ki te paerewa.

Ka whakaratoa e te rārangi māka ētahi momo whakautu mō te **Paetae**, mō te **Kaiaka**, me te **Kairangi**, ā, me whakawā e te kaiako ngā momo māka ka tukuna atu.

Mō ētahi atu kōrero me ētahi atu āwhina e pā ana ki te māka i te paerewa, tirohia ngā āwhina āpitī kei te pae tukutuku a NZQA mō te aromatawai i ngā paerewa pāngarau.

Ngā take ā-hapori hei horopaki ako

Hei tāpiri atu ki te āheinga ahumoni, ka whakamahi ngā rauemi ako i ngā take ā-hapori o nāianei hei horopaki ako. Kua whakamārahia ēnei ki ngā pitopito kōrero mā te pouako kei raro iho nei. Mā te āwhina i ngā ākonga ki te tūhura i ēnei take i a rātou e mahi ana i ā rātou rauemi ako, ka pārekareka ake, ka hāngai ake hoki ngā akoranga ki tō rātou ao o ia rā.

Ngā kaupapa a Sorted

I ia kōwae, ka tukuna ki ngā tauira ngā kōrero, ngā tauira, me ngā ngohe e hāngai ana ki ētahi o ngā

kaupapa a Sorted. Ka āwhina tēnei ki te whakapakari i ngā pūkenga, i ngā mōhiotanga ahumoni, me ngā whanonga ahumoni o ngā ākonga e hāngai pū ana ki ia kaupapa.



KiwiSaver



Te Rītaia



Te haumi



Ngā whāinga



Te penapena



Te Nama



Te inihua



Te Whakahaere
Aku Moni

Ngā pitopito kōrero mā te pouako mō ia kōwae

Ko tā tēnei wāhanga he whakaatu i tētahi tiro whānui poto kī ia kōwae, me ngā pitopito kōrero mā te pouako e hāngai ana ki ia kōwae.

Katoa ngā rauemi ako a Te Whai Hua - Kia Ora! ka whakatōpū i ngā huatau āheinga ahumoni matua, i ngā kaupapa rānei a Sorted, hei āwhina i ngā ākonga ki te whakawhanake i ō rātou pūkenga, i ō rātou mātauranga, me ō rātou whanonga ahumoni.

Ka whakamōhio ia kōwae i tētahi take ā-hapori ki ngā ākonga, e whakaaturia ana ki raro nei.

Te kōwae Waihanga Uiui Pāngarau

Ngā Kaupapa a Sorted: Te penapena, te haumi, me te KiwiSaver

Ngā Horopaki Ako: Te tuakiri ahumoni, te tuakiri, me ngā waiaro ahumoni

I te kōwae Waihanga Uiui Pāngarau, ka ako ngā ākonga mō te huatau tuakiri ahumoni. Ka kīia te tuakiri ahumoni ko ngā uara, ko ngā mātauranga, ko ngā pūkenga me ngā whanonga ka whakaaweawe i tā te tangata whakahaere i ana moni, i tana whakatipu i tōna oranga ahumoni, takitahi mai, takitini mai rānei. Mā te tūhura i te tuakiritanga ahumoni, ka āwhinatia te mōhio a te ākonga ki ūna uara, ki ūna whakapono, me ūna whanonga e pā ana ki te moni.

Puta noa i tēnei kōwae, ka rongo ngā ākonga i ngā kōrero a Tākuta Carla Houkamau, he pūkenga ki Waipapa Taumata Rau. E whakahaere ana a Tākuta Houkamau me tāna rōpū i tētahi rangahau e kīia nei ko Te Rangahau o Te Tuakiri Māori me Ngā Waiaro ā-Pūtea (MIFAS). He rangahau uiui pāngarau whāroa ā-motu tēnei. Ka kōrerotia e Tākuta Houkamau ētahi tirohanga a te mātanga e pā ana ki ngā tukanga i whāia e tana rōpū ki te waihanga i tā rātou uiui pāngarau, me te whakahaere i tā rātou uiui whānui.

Ngā hononga ki ngā kokenga Āheinga Ahumoni kei te Taumata Tuawhitu:

- Te whakapau moni:** Whakaahuatia ngā tirohanga rerekē e pā ana ki ngā whakataunga mōhio mō te whakapau moni, e ai ki te pakeke o te tangata me te horopaki.

Te aromatawai i te paerewa

I te ngohe aromatawai, me waihanga ngā ākonga i tētahi uiui pāngarau e tuku ana i ngā kōrero e pā ana ki ngā whanonga me ngā mōhiotanga o ngā taiohi o Aotearoa mō te moni, ki Te Ara Ahunga Ora (CFFC).

Ka aromatawaihia ngā ākonga e ai ki te tukanga i whāia e rātou hei hoaho, hei waihanga hoki i te uiui pāngarau, tae atu ki tā rātou hua whakamutunga. Kei te Aratohu Ākonga tētahi rārangī hei tohu māu i ngā wāhanga matua, mai i te tuhinga hukihuki tuatahi, tae atu ki te uiui pāngarau whakamutunga. Kei reira hoki ētahi pātai hei whakautu mā ngā ākonga hei kohikohinga taunakitanga mō ā rātou whakataunga, puta noa i te tukanga. He whakaaro pai te waitohu kia oti i a koe ia whai whakaaro, e whakaūngia ai tā te ākonga eke ki ngā herenga o te paerewa, nā te mea kāore pea rātou i te mōhio ki ngā āhuatanga pāngarau o te tukanga waihanga.

E akiakitia ana te kōrero a ngā ākonga ki a koe e pā ana ki tā rātou whakaahua i tā rātou pūrongo, hei tauira, hei whakaaturanga Pāneke me te reo āpitī, hei pūrongo ā-tuhi, hei whakaaturanga ā-waha rānei.

Kei te whārangī Rauemi mō ngā Aromatawai Paerewa Paetae ā-Roto ngā rauemi a TKI me ngā herenga aromatawai e pā ana ki tēnei paerewa paetae.